

Namminersorlutik Oqartussat nalunaarutaat nr. 7 tuttuq nujuartat illersugaanerat piniagaanerallu pillugit 27. juni 2013-imeersoq.

Pinngortitamik illersuineq pillugu Inatsisartut inatsisaanni nr. 29-mi, 18. december 2003-meersumi, § 5, imm. 1, nr. 1-5-imut aamma § 60, imm. 2, Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-meersumi, § 2, imm. 4, § 7, imm. 4, § 8, imm. 1, nr. 7, §§ 12-13, § 17, imm. 2 aamma §18, Inatsisartut inatsisaatigut nr. 1-ikkut, 16. maj 2008-meersukkut kingullermi allangortinneqartumi naapertorlugit kiisalu Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni nr. 18-imi, 30. Oktober 1998-meersumi § 3, imm. 2, Inatsisartut inatsisaatigut nr. 23-ikkut, 22. November 2011-meersukkut allangortinneqartumi, naapertorlugit aalajangersarneqarpoq:

Kapitali 1

Atuuffi

§ 1. Nalunaarut manna Kalaallit Nunaanni tuttuq nujuartat (*Rangifer tarandus*) illersorneqarnissaannut piniagaanerannullu atuuppoq.

Kapitali 2

Eqqissisimatitsineq

§ 2. Tuttuq nujuartat nuna tamakkerlugu eqqissisimatitaapput, § 3-mi taaneqartut eqqaasannngikkaanni.

Imm. 2. Akiliuteqarluni nujuartanik tuttunniarsinnaanermut piumasarineqartut allat immikkut akiliuteqarluni aallaaniarneq aalisarnerlu pillugit nalunaarummi malittarisassaqartinneqarput.

Imm. 3. Tuttuq "nujuartat" tassaapput tuttuq aqutsiveqarfinni assigiinngitsuni aallaqqaammulli nunap tuttui, Peary tuttuq kiisalu tuttuq nunaminertaniit tuttunut nujuitsunut atorneqartuniit aninikut, nalunaaqutserneqarnikuunngitsut ukiumillu ataatsimik sinnilimmik utoqqaasusillit nujuartatullu taaneqarsinnaalerlutik. Uani nalunaarummi tuttuq nujuartat matuma kingorna tuttunik taagorneqassapput.

Kapitali 3

Pisassiissutit, piffissat piniarfiusussat kiisalu piniarfiusussat

Pisassiissutinik agguassineq aalajangersaanerlu

§ 3. Uumassusilinnik misissuisunik siunnersuuteqareernerup kingorna Piniarnermut Naalakkersuisoq tuttunik piniarsinnaanermut pisassiissutinik aalajangersaassaaq. Uumassusilinnik misissuisunik siunnersuuteqartoqanngippat mianersornissaq tunngavigalugu pisassiissutinik aalajangersaasoqassaaq.

Imm. 2. Piniarnermut Naalackersuisoq nunap ilaanut pisassiissutinik aalajangersakkanik agguaassissaaq.

Imm. 3. Piniarneq pillugu Siunnersuisoqatigiit aamma Kattuffiit suliamut attuumassuteqartut allat apeqqutini imm. 1 aamma 2-mut tunngassuteqartuni tusarniarneqassapput.

Imm. 4. Sumiiffimmi tuttunik pisassiissutinik agguaassinermi aqutsiveqarfinni pineqartuni Kattuffiit attuumassutillit tusarniarneri kommunimi oqartussat ingerlattarpaat.

Imm. 5. Kommunimi oqartussat Piniarnermut Naalackersuisoqarfimmut pisassiissutinik agguaassinermi angusat inerneru pillugit imm. 4 naapertorlugu allakkatigut nalunaaruteqassapput.

Piffissanik piniarfiusussanik aalajangersaaneq

§ 4. Uumassusilinnik misissuisunik siunnersuuteqareernerup kingorna Piniarnermut Naalackersuisoq pisassiissutinik piniarnissamut aamma akiliuteqartitsilluni tuttunniarnissamut piffissamik piniarfiusussamik aalajangersaassaaq.

Imm. 2. Imm. 1-imi piffissat piniarfiusussat taamaallaat piffissap 1. augustip aamma 30. aprilip iluani aalajangersaaffigineqarsinnaapput.

Imm. 3. Piniarneq pillugu Siunnersuisoqatigiit aamma Kattuffiit suliamut attuumassuteqartut allat apeqqutini imm. 1-imi tunngassuteqartuni tusarniarneqassapput.

Imm. 4. Sumiiffinni ataasiakkaani tuttunut piffissanik piniarfiusussat aqutsiveqarfinni pineqartumi Kattuffiit attuumassutillit tusarniarneri kommunimi oqartussat ingerlattarpaat.

Imm. 5. Kommunimi oqartussat Piniarnermut Naalackersuisoqarfimmut piffissat piniarfiusussat inerneru pillugit imm. 4 naapertorlugu allakkatigut nalunaaruteqassapput.

Sumiiffinnik tuttunniarfiusussanik aalajangersaaneq

§ 5. Uumassusilinnik misissuisunik siunnersuuteqareernerup kingorna Piniarnermut Naalackersuisoq sumiiffinnik tuttunniarfiusussanik killilersukkamik piniarfiusussanik aalajangersaassaaq.

Imm. 2. Piniarneq pillugu Siunnersuisoqatigiit aamma Kattuffiit suliamut attuumassuteqartut allat apeqqutit imm. 1-imi pineqartuni tusarniarneqassapput.

Imm. 3. Sumiiffinni ataasiakkaani tuttunut sumiiffinnik piniarfiusussat aqutsiveqarfinni pineqartumi Kattuffiit attuumassutillit tusarniarneri kommunimi oqartussat ingerlattarpaat.

Imm. 4. Kommunimi oqartussat Piniarnermut Naalackersuisoqarfimmut sumiiffiit piniarfiusussat aalajangersaaneri pillugit imm. 3 naapertorlugu allakkatigut nalunaaruteqassapput.

Kapitali 4

Pisassiissuteqarnermi piumasaqaatit

§ 6. Inuit § 8 malillugu akuersissummik, kiisalu piniarnermut allagartamik atuuttumik peqartut kisimik tuttunniacquusaapput.

Imm. 2. Akuersissut inummut atiatigut taasamut taamaallaat atuuppoq allanullu tunniunneqaraniluunniit tunineqarsinnaanani.

Imm. 3. Akuersissummi allassimavoq sumi qassinillu tuttunniartoqarsinnaanersoq.

Imm. 4. Piniarnermut allagartaq 1. maj sioqqullugu akilerneqassaaq, § 24-li takuuk.

§ 7. Inuussutissarsiutigalugu tuttunniarsinnaanermut akuersissummi piumasarineqarsinnaavoq tuttunik ilivitsumik ilaanilluunniit tunisinissaq uumasut nakorsa qarfianiit akuerineqarsimasunut neqaarniarfinnut tunitsivinnulluunniit pissasoq imaluunniit inuussutissarsiutigalugu piniartoq tunisinissamut akuersissummik atuuttumik peqassasoq.

Imm. 2. "Kalaalimineerniarfinni" tunisinissaq aamma tuniniaanissaq pillugu kommunit ataasiakkaat namminneq sunngiffimmi piniarnermut allagartamik pigisalinnut aalajangersaassapput.

Imm. 3. "Kalaalimineerniarfinni" tuttunik tunisineq inuussutissalerinermut tunngasuni nalunaarummi atuuttumi piumasaqaatit malillugit ingerlanneqassaaq tuniniaanerlu taamaallaat piffissani piniarfiusuni aamma piffissap piniarfiusup qaangiunneranit amerlanerpaamik ulluni pingasuni atuuppoq.

Kapitali 5

Piniagassatut pisassiissutinut akuersissutinik tunniussineq agguaassinerlu

§ 8. Kommunit pineqartut qinnuteqartunut piniarnermut allagartamik atuuttumik peqartunut aamma sumiiffimmi ingerlatsivinni inuit allattorsimaffianni najugalittut nalunaarsorsimasunut akuersissutinik agguaassissapput tunniussillutillu.

Imm. 2. Naak imm. 1-imi aalajangersagaqaraluartoq, Piniarnermut Naalakkersuisoqarfik inunnut sumiiffinni ingerlatsiviusuni allani najugaqartunut sumiiffimmi ingerlatsiviusumi piniarsinnaanerannik akuersissuteqarsinnaavoq tamannalu sumiiffimmi ingerlatsiviusumi pineqartumi ammasumik pisassiisoqartillugu aatsaat pisinnaavoq.

Imm. 3. Akuersissummi qinnuteqartut piffissap qinnuteqarfiusup nalaani 16-inik ukioqalereersimassapput.

§ 9. Akuersissutinik tunniussineq ima pissaaq, qinnuteqartut ataasiakkaat sapinngisamik tamarmik sumiiffiup ingerlatsiviusup iluani akuersissutinik assigiimmik amerlassusilerlugit tunineqarnerisigut.

Imm. 2. Qinnuteqartut akuersissutinik amerlaneruppata agguaassineq makitsinikkut pissaaq. Akuersissutit sinneruttut aamma makitsinikkut agguaanneqassapput.

Imm. 3. Sumiiffinni ingerlatsiviusuni isorartuuni piniartunut ataasiakkaanut piniarneq akilersinnaasunngortinniarlugi akuersissutinik arlaqartunik tunniussisoqarsinnaavoq.

Imm. 4. Makitsinermut atatillugu akuersissutinik tunniussisussaataasup utaqqisut allattorsimaffiat pilersissavaa, taannalu akuersissutit agguaanneqaqqinneranni § 10, imm. 2 naapertorlugi atorneqassaaq.

Imm. 5. Makitsineq tamanut ammasumik ingerlanneqassaaq. Akuersissutinik tunniussisussaataasup makitsinissaq kingusinnerpaamik sapaatip akunneranik sioqqutsilluni, makitsinermut piffissaq sumiinnissaalu tamanut nalunaarutigissavaa.

§ 10. Makitsinermut atatillugu akuersissutinik tunniussisussaataasoq akuersissutit tunniunneqartut qaqugu aaneqareersimanissaannik aalajangiissaaq. Inuit akuersissummik tunineqarsimasut akuersissummilli atuisinnaangitsut imaluunniit atuianniingitsut piaarnerpaamik akuersissutit atorneqangitsut akuersissutinik tunniussisussaataasumut utertissavaat.

Imm. 2. Akuersissutit aaneqangitsut utertinneqarsimappatalu agguaateqqinneqassapput. Agguaasseqqinneq siusinnerpaamik tuttunniarnerup uninnissaa sapaatip akunnerinik sisamanik sioqqullugu pisinnaavoq, akuersissutinik pinissamik utaqqisut allattorsimaffiat naapertorlugu.

Kapitali 6

Piniariaatsit aamma piniarnermi ileqqorissarneq

§ 11. Tuttunniarnermi qoorortuut pisissillu atorneqaqqusaapput.

Imm. 2. Sulloqqortussutsit akuerisat minnerpaaffiat tassaavoq .222. Qoorortuut imassaat nammineq toqqarneqarsinnaapput.

Imm. 3. Qoorortuut eqiinnartakkat eqittaannartakkallu tuttunniarnermi atorneqarnissaat inerteqqutaavoq.

Imm. 4. Aallaat sunaluunniit imm. 2 malillugu piniarnermut atorneqaqqusaasoq nakersarneqarsimassaaq paarilluagaallunilu.

Imm. 5. Pisisseq atorlugu tuttunniarneq inunnit Kalaallit Nunaanni Danmarkimi imaluunniit nunani allani pisissimik piniarnermut misilitsinnermi takussutissartalimmik angusaqarsimsunit ingerlanneqarsinnaavoq.

Imm. 6. Pisissimut, qarsunut naqqumullu piumasagaatit:

- 1) Pisisseq Compound-iussaaq (katitigaq / nutaaliaasoq), pisisseq aaqqinneqarsinnaasumik umerfeqassaaq / nalunaaqutaqassaaq qarsullu naqqui aalajangersimasut atorneqartillugit nusutsisinnaassusaa minnerpaamik 45 pund-iussaaq (21 kg.), qarsullu naqqui mekanisk-iusut atorneqartillugit nusutsisinnaassusaa minnerpaamik 55 pund-iussalluni (25 kg.).
- 2) Qarsut naqqui aalajangersimasut atorneqartillugit qarsut minnerpaamik 385 grains-inik (25 gr.-inik) oqimaassuseqassapput, qarsullu naqqui mekanisk-iusut atorneqartillugit qarsut minnerpaamik 425 grains-inik (28 gr.-inik) oqimaassuseqassallutik.
- 3) Qarsut naqqui aalajangersimasut imaluunniit mekanisk-iusut atorneqaqqusaapput.

§ 12. Piniarnermi tuttip pisarineqartup neqaa tamaat nassarneqassaaq. Piniarnermit pisap sinneri sapinngisamik pisaqarfup qimalernerani nassarneqassapput imaluunniit tupeqarfiit, illuaraqarfiit imaluunniit akiliuteqarluni piniarnerup ingerlanneqarnissaa akornusernagit inis-sinneqassallutik.

Kapitali 7

Akiliuteqarluni piniarnermut immikkut piumasagaatit

§ 13. Piniarnermut Naalackersuisoq pisassiissutininik piniarnerup aamma akiliuteqarluni aallaaniarnerup akornanni pisassiissutininik agguataarinermik aalajangersaassaaq.

Imm. 2. Piniarnermut Akiliuteqarluni aallaaniarnermut pisassiissutit tuttunniarnissamut pisassiissutinit tamarmiusunit § 3-mi imm. 1 naapertorlugu tiguneqassapput.

Imm. 3. Naak § 4-mi, imm. 2-mi, aalajangersagaqaraluartoq Piniarnermut Naalackersuisup ukioq kaajallallugu pannernik akiliuteqarluni aallaaniarnissamut piffissanik piniarfiusussanik aalajangersaasinnaavoq.

Imm. 4. Kulavannik norrarnillu akiliuteqarluni aallaaniarneq piffissap 1. januarimiit 1. augustip tungaanut inerteqqutaavoq.

Imm. 5. Sulloqqortussutsit akuerisat minnerpaaffiat tassaavoq .243. Qoorortuut imassaamut nammineq toqqarneqarsinnaapput.

Imm. 6. Qoorortuut eqiinnartakkat eqittaannartakkallu tuttunniarnermi atorineqarnissaat inerteqqutaavoq.

Imm. 7. Pisisseq atorlugu akiliuteqarluni tuttunniarneq inunnit Kalaallit Nunaanni Danmarkimi imaluunniit nunani allani pisissimik piniarnermut misilitsinnermi takussutissartallimmik angusaqarsimasunit ingerlanneqarsinnaavoq.

Imm. 8. Pisissimut, qarsunut naqqumullu piumasagaatit:

- 1) Pisisseq Compound-iussaaq (katitigaq / nutaaliaasoq), pisisseq aaqqinneqarsinnaasumik umerfeqassaaq / nalunaaqutaqassaaq qarsullu naqqi aalajangersimasut atorineqartillugit nusutsisinnaassusaa minnerpaamik 45 pund-iussaaq (21 kg.), qarsullu naqqi mekanisk-iusut atorineqartillugit nusutsisinnaassusaa minnerpaamik 55 pund-iussalluni (25 kg.).
- 2) Qarsut naqqi aalajangersimasut atorineqartillugit qarsut minnerpaamik 385 grains-inik (25 gr.-inik) oqimaassuseqassapput, qarsullu naqqi mekanisk-iusut atorineqartillugit qarsut minnerpaamik 425 grains-inik (28 gr.-inik) oqimaassuseqassallutik.
- 3) Qarsut naqqi aalajangersimasut imaluunniit mekanisk-iusut atorineqaaqusaapput.

Imm. 9. Akiliuteqarluni tuttunniarnermi pisat § 19-mi aalajangersagaqaraluartorluunniit *PINIARNEQ*-mut nalunaarutigineqassapput. Akiliuteqarluni piniartitsinnermik aaqqissuisut Piniarnermut Naalackersuisoqarfimmumut nalunaaruteqassapput. Tamatuma kingorna paasisutissat katersukkat *PINIARNEQ*-mut nassiunneqassapput.

Kapitali 8

Tuttut assartorneqarneranni assartuutininik atuineq

§ 14. Assartuutit tuttunik malersuinnermi ungoorinnermiluunniit atorineqaaqusaanngillat.

Imm. 2. Assartuutit taamaallaat aqquutit aalajangersimasut akuerisaasut (korridorit) aqquutigalugit atorineqaaqusaapput Avatangiisinullu Pinngortitamullu Naalackersuisoqarfimmiit akuersissuteqaraanni aatsaat atorineqaaqusaallutik kiisalu piniarfimmumut piniarfimmiillu assar-

tuinnermut taamaallaat atorneqaqqusaallutik. Assartuutunik nunami ingerlaarnermut atatillugu minnerpaamik 500 meterinik ungasissuseqarluni tuttu uumasut qanillineqaqqusaapput.

Imm. 3. Tuttunniarnermi qimmit nassaqqusaanngillat, taamaattorli imm. 4-6-imut pineqartut pineqanngillat.

Imm. 4. Qimminik qimuttoqarfiusuni allorniusami kangimukartup 44° W-mi avannamukartullu 66° N-mi qimussit assartuutitut atorneqaqqusaapput.

Imm. 5. Piniarfimmi qimminik qimuttunik qimatsisoqaqqusaanngilaq. Qimmit pituussaarlutik qimaasut tigoqqinnerlu sapernartut piaarnerpaamik aallaaneqassapput. Qimmit toqungasut timaat piniarfimmi qimanneqaqqusaanngillat. Kingusinnerpaamik piniariarnerup naammassinerata kingornatigut qimmit qimaasut pillugit politiit nalunaarfigineqassapput.

Kapitali 9

Tuttunik pissatanik toqutsineq

§ 15. Piniartup pisussaaffigaa tuttu eqqorneqarnermi kinguninnguagut toqusimanera nalornisiginagu paasissallugu.

Imm. 2. Tuttunniarnerup nalaani tuttumik pissaasup pisussaaffigaa sapinngisamik piaarnerpaamik taassuminnga toqutsinissani.

Imm. 3. Tuttu pissanneqartoq nanineqarnanilu toqunneqanngippat, piniartuq piniarnerup naammassineqarnerata kinguninnguagut Piniarnermut Naalackersuisoqarfimmut imaluunniit piniarnermut aallaaniarnermullu nakkutilliisumut pissutsit piviusut pillugit ilisimatitsissaaq.

Imm. 4. Inuk tuttumik pissanneqarsimasumik sulilu uumasumik takunnittoq, ajornanngippat tuttu toqussavaa. Piffissap piniarfiusup avataani toqutsineq pisimappat tuttu toqutaq nikisinnagu qimanneqassaaq. Tuttumik toqutsinermi akisussaasup pisussaaffigaa toqutsinerup qanoq pisimanera Piniarnermut Naalackersuisoqarfimmut imaluunniit piniarnermut aallaaniarnermut nakkutilliisumut nalunaarutigissallugu.

Imm. 5. Tuttu toqungasoq siumorneqartoq nikisinnagu qimanneqassaaq.

Kapitali 10

Uumatillugit tigusinerit nuussinerillu

§ 16. Piniarnermut Naalackersuisoq sioqqutsisumik akuersitinneqarsimatinnagu tuttu nujuitsut nuunneqarnissaat, tiguneqarnissaat aammalu ungalusat iluiniitinneqarnissaat inerteqqutaavoq.

Kapitali 11

Kommunit ileqqoreqqusat

§ 17. Kommunimi ileqqoreqqusakkut kommunalbestyrelsi nalunaarut manna naapertorlugu annertunerusumik piumasqaateqarsinnaavoq, nalunaarutip § 3, imm. 1-imiit 3-mut, § 4, imm. 1-imiit 2-mut aamma § 14, imm. 1-imiit 2-mut aalajangersakkanit sakkortunerusunik.

Imm. 2. Kommunimi ileqqoreqqusaq Piniarnermut Naalackersuisumit atuutilersinneqassaaq.

Kapitali 12

Najukkami ingerlatsineq

§ 18. Piniarneq pillugu Siunnersuisoqatigiinnik allanillu kattuffinnik suliamut attuumassutillinnik tusarniaareernerup kingornatigut Piniarnermut Naalakkersuisoq nunap ilaani sumiiffimmi killilikkami ingerlatsinermik tamarmiusumik imaluunniit ilaannakuusumik, sumiiffinnut ingerlatsiviusunut agguaassisinnaavoq.

Imm. 2. Tamatumani piunasaqaatit Piniarnermut Naalakkersuisup aamma akuersissutininik tunniussisussaataasut akornanni allaganngorlugit isumaqatigiissutigineqassapput.

Kapitali 13

Pinngortitami uumassusilinnik misissuineranut nalunaaruteqartarneq

§ 19. Pisanik nalunaaruteqarneq imaluunniit pisanik nalunaarsuutininik kommunimut tunniussineq piniarnerup naammassineqarnerata kingornatigut kingusinnerpaamik sapaatip akunnerisa marluk qaangiunneranni pissaaq. Tamatuma kingornatigut paasisutissat ataatsimoortilugit piniarnerup naammassineqarnerata kingornatigut kingusinnerpaamik sapaatip akunnerisa sisamat qaangiunneranni kommunimit Pinngortitaleriffimmut nassiunneqassapput.

Imm. 2. Tuttu angallammut pisanianut angallataasussamut ikineqarpat, akuersissutip tunuatigut kalleriummut immersugassaq kingusinnerpaamik immersorsimassaaq.

Kapitali 14

Pisanik nujuartanik nalunaarutiginnittarneq

§ 20. Tuttunik pisat tamarmik aamma pissatat naak § 19-mi aalajangersagaqaraluartoq, *PINIARNEQ*-mi ukiumoortumik immersugassiaq atorlugu nalunaarutigineqassapput.

Kapitali 15

Nakkutilliineq

§ 21. Kinaluunniit politiinit imaluunniit piniarnermik aallaaniarnermillu nakkutilliisunit tuttunniarsinnaatitaanini uppersaqqullugu qinnuigineqaruni, taava akuersissut atuuttoq kiisalu piniarsinnaanermut allagartaq atuuttoq takutissavai.

Kapitali 16

Immikkut akuersissuteqartarneq

§ 22. Piniarnermut Naalakkersuisoqarfik nalunaarummi matumani aalajangersakkanit ilisimatusarnikkut aamma ilinniartitsinermut atatillugu piniarsinnaanermut immikkut akuersissuteqarsinnaavoq. Uani piunasaqarluni ilisimatusarnikkut ilinniartitsinermullu tunngasut

uumasunik illersuineq pillugu kiisalu uumasut peqqinnerat pillugu maleruagassat malillugit ingerlanneqassasut.

§ 23. Tuttut navianartorsiortitsisut imaluunniit angallannermut atatillugu annertuumik akornusersuisut qimaatinneqarsinnaasimangippata toqunneqarsinnaapput.

Imm. 2. Imm. 1 naapertorlugu tuttut toqutat Kalaallit Nunaanni Namminersorlutik Oqartussanut pigisussanngortinneqassapput. Tuttumik toqutsinermi akisussaasup pisussaaffigaa toqutsinerup qanoq pisimamera Piniarnermut Naalackersuisoqarfimmut nalunaarutigissallugu. Tuttup toqunneqartup qanoq pineqarnissaa Naalackersuisoqarfiup aalajangissavaa.

§ 24 Naak § 6-imi imm. 4-mi aalajangersagaqaraluartoq ingerlatsinermi pissutsit aallaavigalugit piniarnermut allagartap 1. maj sioqqullugu akilerneqarsimanissaanik piumasaqaammit immikkut ittumik akuersissutigineqarsinnaavoq.

Kapitali 17

Pineqaatissiissutit

§ 25. Nalunaarummi matumani aalajangersakkanik unioqqutitsineq akiliisitsinermik pineqaatissiissutaasinnaavoq aamma sunngiffimmi aallaaniarsinnaanermut allagartat imaluunniit inuussutissarsiutigalugu piniarnermut allagartat piffissami killilikkami arsaarinnissutaasinnaapput.

Imm. 2. Tuttu nalunaarummi malittarisassanut akerliusumik pisaq Kalaallit Nunaanni pinerluttulerinermi inatsisini malittarisassatigut aalajangersakkat malillugit arsaarinnissutigineqarsinnaavoq.

Imm. 3. Kommunitut ileqqoreqqusaliani § 17 naapertorlugu, kommunalbestyrelsip aalajangersarsinnaavaa, ileqqoreqqusaliani aalajangersakkanik unioqqutitsineq Kalaallit Nunaanni pinerluttulerinermi inatsisini malittarisassatigut aalajangersakkat malillugit akiliisitaanermik arsaarinnissummillu pineqaatissiissutaasinnaasoq.

Kapitali 18

Atulersitsineq il.il.

§ 26. Nalunaarut manna atuutilerpoq ulloq 27. juni 2013.

Imm. 2. Peqatigitillugu Namminersornerullutik Oqartussat tuttut piniagaanerat pillugu nalunaarutaat nr. 6, 8. februar 2001-imeersoq, kingullermik Namminersornerullutik Oqartussat nalunaarutaannit nr. 19, 16. juli 2002-meersukkut allanngortinneqartoq, kiisalu tuttut illersugaanerat pillugu Namminersornerullutik Oqartussat nalunaarutaat nr. 8, 8. februar 2001-imeersoq atorunnaarsinneqarput.

Namminersorlutik Oqartussat, ulloq 27. juni 2013.



Karl Lyberth

/



Jens K. Lyberth